

Tanda taubat diterima, hati sudah tawar untuk mengulangi dosa

SOLUSI

PANDUAN
HIDUP
BERSYARIAT

2012 | PP 15048/05/2013 (032162) |

MOTIVASI · FARDUAIN ·



ISU No.

46

Kisah Labu dan Butang Baju

Anas bin Malik r.a. menceritakan: "Seorang tukang jahit mengundang Rasulullah s.a.w. menghadiri satu jamuan yang hidangan tersebut dimasak sendiri olehnya. Saya menemani Rasulullah s.a.w. menghadiri jamuan tersebut. Tuan rumah mendekatkan kepada Baginda s.a.w. roti serta kuah berisi labu dan daging. Saya melihat Baginda mencari-cari labu di dalam mangkuk tersebut. Maka sejak itu saya menyukai labu."

Selanjutnya di hlm. 67



> Syukur Kita Dapat Melihat

hlm. 92

> Rujuk Melalui SMS?


hlm. 76

> Catatan Rihlah di Bumi al-Quds

hlm. 32

> Allah Takdirkan Saya Buat Maksiat? hlm. 101

Taubat sebelum Terlambat



Orang yang boleh segera bertaubat

hanyalah orang yang merasakan keagungan Allah, takut kepada-Nya dan mengharapkan keampunan-Nya. Bukan kerana takut penyakit, atau sudah tidak berupaya atau tidak bertenaga, atau untuk selamat daripada dipenjarakan atau takut dihukum, tetapi taubat yang ikhlas semata-mata kerana Allah.

ISSN 1985-5400

46

RM 10.00 (SEM)
RM 12.00 (S/S)
SGD 7.50
BND 7.50
USD 10.00
EUR 8.00
IDR 35,000.00
AUD 7.50



TELAGA BIRU SDN. BHD.



AUDIT BUREAU OF CIRCULATIONS
(Incorporated in Malaysia)



Imbas kod
untuk ke
Facebook
Majalah
Solusi




Sebuah
terbitan

Telaga Biru

Asas Berfikir daripada Fikir dan Zikir

Dalam siri kunjunganku ke Australia pada hujung tahun 2010 yang lalu, aku singgah di Tasmania; sebuah pulau yang tidak jauh dari Melbourne, Australia. Pemandangan tempat-tempat di situ indah belaka. Jumlah penduduk Islam di Tasmania sekitar 1000 orang yang terdiri daripada pelajar, pendatang dan orang tempatan.

Aku diundang untuk menyampaikan ceramah agama di Masjid Hobart iaitu satu-satunya masjid di Tasmania. Imam Sabri Samson mengundangku ke situ untuk menyampaikan ceramah mengenai pemikiran akliah dan kaitannya dengan al-Quran. Imam Sabri berasal dari Tanjung Karang, Selangor dan pernah mengikuti program Pelajar Rancangan Colombo pada tahun 1967.



Beliau merupakan guru sains dan elektronik dan menetap di sana lebih 40 tahun. Beliau menjadi imam di Hobart sejak tahun 1995. Dengan bantuan dermawan dari Malaysia, Masjid Hobart dapat dibina di tempat yang sangat strategik.

Ceramah selepas Maghrib itu mengundang pendengar daripada pelbagai latar belakang. Kebanyakan pelajar Malaysia yang belajar di sini adalah dalam bidang sains dan perubatan. Mereka dan masyarakat Islam Hobart turut hadir.

Daya Fikir dan Zikir

Aku memulakan ceramah itu dengan memberikan asas bahawa betapa al-Quran menyeru manusia menggunakan akal (*afala ya'qilun*), membangunkan pemikiran (*afala yatafakkurun*) dan membina daya kajian dan penelitian (*afala yatadabbarun*). Faktor akal penting kerana ia membawa manusia untuk menggunakan kekuatan pemikiran bagi menjana ilmu pengetahuan.

Berfikir juga penting kerana daripadanya membawa manusia mengembangkan idea. Idea yang berguna menjadikan manusia hidup dengan lebih sempurna. Membangunkan daya kajian dan penelitian sangat mustahak supaya kajian yang dilakukan tidak sahaja terhadap hal-hal yang tampak (*empirical and observable*), tetapi juga berfikir dan merenung kepada hal-hal yang ghaib.

Umat Islam bukan hanya memiliki daya fikir, tetapi juga daya zikir. Integrasi fikir dan zikir tidak sahaja membawa manusia mengenal sumber kejadian sekitarnya, tetapi mengenal Pencipta daripada hasil kejadian tersebut.

Apabila kita mengagumi ciptaan gunung-ganang misalnya, lantas kita hubungkan ia sebagai pasak-pasak bumi (*awtad*) seperti yang disebutkan dalam al-Quran. Ia bukan sahaja memberikan kita kefahaman tentang kewujudan gunung-ganang sebagai sumber ciptaan Allah, tetapi betapa gunung-ganang menjadi pengukuh dan memberi keseimbangan bagi bumi.

Jiwa fikir juga tidak sahaja melihat air sebagai satu sumber dalam pengertian "apa", tetapi membawa natijah "mengapa". "Apa" ialah air secara saintifik yang menghubungkan faktor hidrogen dan oksigen. Tetapi, faktor zikir yang dirujuk daripada al-Quran menghubungkan air itu sebagai sumber kehidupan. Lalu, maksud "mengapa" terhubung dengan Penciptanya. Air tidak mampu dicipta oleh manusia, namun ia sedia jadi atau semula jadi yang dijadikan oleh Allah.

Jalan Berfikir

Al-Quran juga memberikan asas (mak-

sudnya): "(Allah) telah menjadikan untuk setiap sesuatu kadarnya." (*Surah al-Talaq 65: 3*) Dalam bahasa yang mudah, Allah menciptakan sesuatu dalam kadarnya dan tidak boleh melampaui kudrat yang Allah beri.

Bayangkan kita berdiri di tepi laut melihat ombak yang sedang beralun. Sehebat mana pun alunan ombak tersebut, ia akan terhenti di gigi pantai dan tidak melampaui daratan. Bagi yang memiliki daya fikir, tentu sukar baginya untuk memahami perkara tersebut. Tetapi orang yang memiliki upaya zikir akan menghubungkan batas ombak sebagai kuasa Allah yang mentakdirkan ia berpatah balik ke lautan. Jelasnya, bukan peranan manusia untuk menolak ombak supaya jangan melepas ke daratan.

Kita melihat lebuh raya yang terbentang luas. Kenderaan lalu di atasnya silih berganti. Sehebat mana pun sistem dengan kenyataan dan papan tanda diaturkan di sepanjang perjalanan, kemalangan tetap terjadi dan kesesakan sering berlaku lalu menyebabkan perjalanan ke destinasi terhalang.

Berbillion cakerawala dan galaksi di angkasa bergerak terlalu laju. Ia bergerak dengan teratur dan tersusun rapi. Tidak berlaku perlenggaran kerana takdir-Nya. Tidak berlaku kesesakan hingga menyebabkan 300 bilion galaksi bertembung. Maha Besar Allah yang menciptakan dan mengaturkan semua itu dengan tertib.

Allah mencipta ikan-ikan di lautan. Ti-dak ada campur tangan manusia memberi rezeki kepada ikan-ikan tersebut. Ikan dipukat oleh manusia dan dinaikkan ke daratan sebagai sumber rezeki. Pada ikan itu terdapat rezeki untuk manusia dan makhluk lain. Allah menjamin rezeki kepada setiap makhluk yang diciptakan.

Ikan tersebut dibeli di pasar, kemudian disiang dan diasangkan perut, sisik dan insangnya. Kita menganggap ia sebagai bahan terbuang, tetapi bagi kucing, anjing,

semut, lipas dan lalat "bahan terbuang" itu amat berharga baginya kerana ia adalah sumber rezeki.

Lalu, ikan tersebut dimasak dan dijadikan gulai. Kita makan isinya dan asingkan tulang-temulang daripadanya. Tulang-temulang tersebut adalah rezeki makhluk lain. Tidak semua isi yang dimakan menjadi darah daging kerana esok lusa kita

Berbillion cakerawala dan galaksi di angkasa bergerak terlalu laju. Ia bergerak dengan teratur dan tersusun rapi. Tidak berlaku perlenggaran kerana takdir-Nya. Tidak berlaku kesesakan hingga 300 bilion galaksi bertembung. Maha Besar Allah yang menciptakan dan mengaturkan semua itu dengan tertib.

akan buangnya sebagai najis dan menjadi rezeki ulat. Maha Besar Allah mencipta sesuatu untuk manusia dan makhluk.

Kisah di atas membawa jalan berfikir buat seseorang. Betapa kejadian Allah membawa rahmat dan nikmat terhadap makhluk lain. Berfikir mengenai limpahan rahmat dan nikmat serta rezeki dan kurnia-an bukan semuanya milik insan, tetapi milik makhluk lain juga.

Asas Berfikir daripada al-Quran

Kita melihat air sungai yang mengalir. Tidak semuanya jernih untuk mengalir ke laut. Air laut yang masin memberi kesan proses yang menakjubkan hingga menimbulkan wap yang naik ke udara membentuk awan. Awan berat akan membentuk air. Air itu turun semula ke bumi dalam bentuk hujan dan menghidupkan sumber-sumber yang Allah ciptakan.

Ini terdapat dalam surah al-Baqarah ayat 164 sebagai renungan buat manusia, maksudnya: "Sesungguhnya, pada penciptaan langit dan bumi, pertukaran malam dan siang, bahtera yang berlayar di laut dengan membawa benda-benda yang berguna kepada manusia, dan air hujan yang Allah turunkan dari langit lalu dengan air itu Allah hidupkan tumbuh-tumbuhan di bumi sesudah mati (kering)nya. Allah sebarkan di bumi ini segala jenis haiwan, dan penyebaran angin dan awan yang dikendalikan di antara langit dengan bumi. Sesungguhnya, (terdapat) tanda-tanda (keesaan dan kebesaran Allah) bagi kaum



Lulusan Ijazah Sarjana Muda (Pengajian Melayu) Universiti Melayu dan Sarjana Pendidikan Berbanding di Universiti Indiana, Bloomington, USA dan Ijazah Doktor Pendidikan di Universiti Northern Illinois, USA. Pernah menjadi pendidik, pegawai dan pensyarah, dan kini sebagai Profesor Pendidikan di Institut Pendidikan, UAM. Dianugerah Tokoh Maulidur Rasul 2009.

PROF. DATO' DR. SIDEK BABA

yang memikirkan."

Ayat ini secara jelas memperlihatkan elemen saintifik yang membawa kita merenung mengenai kebesaran Allah, keteraturan dan ketertiban perjalanan alam ini mendatangkan kebaikan terhadap umat manusia dan persekitaran.

Inilah asas al-Quran yang memberi petunjuk kepada manusia khususnya orang yang berjiwa takwa (*muttaqin-huda li al-nas* dan *huda li al-muttaqin*). Petunjuk bukan sekadar penerimaan maklumat dan suluh atau ilmu yang memberi kecerahan kepada jalur hidup, malah memberi manusia pedoman tentang faktor fikir dan zikir. Apabila ditautkan, ia tidak sahaja terhubung dengan hal-hal yang nyata dan *tangible*, tetapi juga terhubung dengan hal-hal yang ghaib.

Faktor akliah (berfikir tentang alam dan persekitaran) dan faktor naqliah menghubungkan faktor akal dengan upaya berfikir, berfikir secara mendalam dan melakukan kajian dan penelitian tidak sahaja secara empiris tetapi juga terhubung hal-hal yang nyata dengan Allah s.w.t. sebagai Pencipta.

Ia terkandung dalam surah al-'Alaq yang memberi asas kepada maksud "baca" atau budaya ilmu. Allah berfirman dalam ayat pertama, maksudnya: "Bacalah (wahai Muhammad) dengan Tuhanmu yang menciptakan (sekalian makhluk)." Maksud "baca" di sini bukan sekadar membaca al-Quran secara harfiah, tetapi sekaligus mengajak manusia "membaca" alam ini dalam maksud pemerhatian, kajian dan penyelidikan. Alam ini tidak terjadi begitu sahaja kerana ia ada Penciptanya.

Al-Quran bukan sifatnya tekstual semata. Ia terhubung dengan hal-hal yang kontekstual atau realiti. Terdapat ribuan ayat al-Quran mengenai sains. Upaya akal manusia merenung dan mengkaji, lalu dihubungkan dengan al-Quran. Maka para saintis Islam mampu mengolah dan mengkaji mengenai alam dan hikmah dijadikan sesuatu untuk

manfaat manusia dan makhluk.

Dalam ayat kedua, Allah berfirman yang bermaksud: "Allah menciptakan manusia daripada segumpal darah." Ayat ini mengandungi ilmu mengenai permulaan penciptaan manusia. Ia memberi asas mengenai ilmu embriologi. Manusia terjadi daripada sekutul darah dan berkembang menjadi daging dan tulang-temulang, bersusuk dan berbentuk sehingga roh ditiupkan ke dalam diri bayi dan seterusnya lahir ke dunia menjadi insan bernyawa dan bernafas.

Allah menyebut dalam al-Quran, maksudnya: "Katakanlah: 'Roh itu daripada urusan Tuhanmu. Kamu tidak diberikan ilmu pengetahuan melainkan sedikit sahaja.' (Surah al-Isra' 17: 85)


Bayangkan jasad tanpa roh, ia tidak membolehkan akal berfikir, hati merasa atau daya membuatkan amal. Sehebat mana pun akal fikiran manusia, ia tidak akan mampu menjana ilmu jika roh tercabut daripada dirinya. Tidak mungkin hati dapat merasai sesuatu kerana tanpa roh, hati tidak memberi apa-apa makna. Lebih-lebih lagi tidak mungkin daya boleh digerakkan untuk melakukan amal tanpa kekuatan roh padanya. Roh milik Allahlah yang menjadi sumber segala-galanya.

Satu-Satunya Masjid di Hobart

Asas berfikir yang berasaskan fikir dan zikir ini aku sampaikan kepada hadirin bertujuan mengajak mereka membina fikrah yang bersepada. Sesuatu tidak terjadi secara mekanistik semata-mata, tetapi ia memiliki nilai guna yang mendekatkan manusia dengan Allah. Sesuatu itu tidak terjadi dengan sendiri melainkan ada hubungannya dengan Allah. Dan setiap sesuatu yang dicipta-Nya terkandung rahmat dan nikmat bagi orang merenung, berfikir, memahami serta bersyukur atas pemberian-Nya.

Walaupun pendekatan ceramah ini agak berlainan daripada biasa, para pelajar yang memiliki latar belakang sains dan ilmu perubatan memberi perhatian yang baik terhadap ceramah yang disampaikan. Masyarakat Islam di Hobart turut mengemukakan beberapa pertanyaan yang menarik.

Moga-moga ziarahku ini memberi makna kepada masyarakat Islam di Tasmania. Satu-satunya masjid yang terdapat di bandar Hobart bakal berkembang di tempat lain supaya Islam yang mementingkan akal dan ilmu mampu membangunkan fikrah insan dan dapat menghubungkan alam dengan kehidupan dan kehidupan dengan Pencipta iaitu Allah. Aku meninggalkan Hobart dengan harapan untuk datang lagi.



pertama

ASMAWI BIN ALIAS
Lawas, Sarawak

kedua

MUHAMMAD ZULFI AZFAR
Teluk Intan, Perak

ketiga

MOKHTAR BIN ABDUL WAHAB
Kuala Terengganu

saguhati

NUR AIN NABIHAH BINTI ROSDI
Besut, Terengganu

MOHD. ADAM BIN MAT YAACOB
Sikamat, Negeri Sembilan

HUZAIMI BIN MOHD. RUPINGAT
Shah Alam, Selangor

AZMAN BIN DAUD
Kuantan, Pahang

KHAIRUL MUNA BINTI ABU BAKAR
Alor Setar, Kedah

JAWAPAN
SILANG
KATA
SIRI 40



SYARAT DAN PERATURAN

- Penyertaan terbuka kepada semua pembaca *Solusi*, kecuali kakitangan Telaga Biru Sdn. Bhd. dan ahli keluarga terdekat.
- Peraduan ini berlangsung selama dua (2) bulan, dari 1 Ogos 2012 hingga 30 September 2012.
- Tarikh tutup penyertaan: **30 September 2012**. Penyertaan selepas tarikh tersebut tidak diterima.
- Penyertaan mestilah menggunakan borang asal dan pastikan diisi lengkap. Salinan fotokopi tidak diterima.
- Pemenang dikira jika menjawab **semua petak dengan betul**. Sekiranya tiada pemenang, jawapan yang hampir akan diterima sebagai pemenang.
- Sekiranya terdapat **lebih daripada seorang pemenang**, cabutan akan dibuat oleh para hakim. Keputusan hakim adalah muktamad.
- Isikan **semua petak** dengan HURUF BESAR dengan jelas.
- Jika terdapat kesilapan dan anda ingin mengubahnya, boleh digunakan pemandam, *liquid paper* atau sebagainya.

Poskan penyertaan anda ke:

Peraduan Silang Kata Solusi
Telaga Biru Sdn. Bhd.
28 Jalan Tembaga SD 5/2A
Sri Damansara Industrial Park
52200 Kuala Lumpur

Pemenang akan dihubungi melalui alamat pos atau melalui telefon dan/atau e-mel (jika ada disertakan alamat e-mel dan/atau no. telefon).